



“

Beta ingin tegaskan, bahawa Negara Brunei Darussalam adalah sebuah negara yang molek, yang sentiasa mementingkan ibadat kepada Allah. Ia dipandu oleh sistem MIB yang telah pun berjalan sekian lama sejak ratusan tahun lagi.

Sistem ini berkewajipan untuk memelihara dan menjamin semua hak rakyat dan penduduk tanpa mengira puak dan pegangan mereka. Inilah MIB, konsep keramat yang telah berjaya menjelmakan sebuah negara yang adil lagi bahagia, yang hidup didalamnya sebuah komuniti yang bersatu padu.

Sistem MIB juga telah terbukti amat mesra kepada dunia, sehingga siapa saja yang datang berkunjung ke negara ini akan beroleh pengalaman manis, dapat menikmati suasana aman dan harmoni serta layanan yang sebaik-baiknya.

Inilah hakikat Brunei, Negara MIB, dimana selain dari itu, ia bukanlah Brunei.

”

Petikan Titah
Kebawah Duli Yang Maha Mulia Paduka Seri Baginda
Sultan Haji Hassanal Bolkiah Mu'izzaddin Waddaulah
Ibni Al-Marhum Sultan Haji Omar 'Ali Saifuddien Sa'adul Khairi Waddien,
Sultan Dan Yang Di-Pertuan Negara Brunei Darussalam
Sempena
MAJLIS SAMBUTAN ISRA' DAN MI'RAJ
PERINGKAT NEGARA TAHUN 1440H/2019M

“SEMBAHYANG MEMBENTUK UMAT BERTAQWA' - Tema Sambutan Isra' dan Mi'raj Peringkat Negara 1440H/2019M




Kempen Sembahyang Fardu Subuh Berjemaah merupakan acara iringan sempena Sambutan Isra' dan Mi'raj Peringkat Negara dijalankan secara serentak di keempat-empat daerah di semua masjid, surau dan balai ibadat seluruh negara.





Perpustakaan Dewan Bahasa dan Pustaka (DBP), BANDAR SERI BEGAWAN, Isnin, 1 April - Kedutaan Persekutuan Rusia telah menyumbangkan dan memamerkan serta menyediakan sejumlah 80 bahan bacaan terdiri dari koleksi buku-buku sastera, majalah dan lain-lain terbitan Persekutuan Rusia. Antara koleksi itu ialah karya-karya pengarang terkenal Rusia yang mewakili zaman keemasan Kesusasteraan Rusia, termasuk karya seni klasik yang diajar di universiti terkemuka di seluruh dunia dan koleksi ini ditempatkan di Seksyen Sastera Rusia (Russian Literature Section) di Perpustakaan Dewan Bahasa dan Pustaka, Bandar Seri Begawan.



"Usaha-usaha yang berkebakikan seperti ini mencerminkan peranan TelBru sebagai sebuah syarikat sosial (social enterprise) yang mempunyai kesan positif kepada masyarakat dan dijadikan sebagai contoh kepada pihak lain di sektor swasta,"
Yang Berhormat
Menteri Kebudayaan, Belia dan Sukan semasa Majlis Perasmian Taman Hidroponik SMARTER Brunei-TelBru



Pusat SMARTER Brunei, Jalan Sungai Hanching, BANDAR SERI BEGAWAN, Selasa,

2 April – Sempena Hari Kesedaran Autisme Sedunia (World Autism Awareness Day – WAAD) 2019, SMARTER Brunei telah melancarkan Taman Hidroponik SMARTER Brunei-TelBru. Sesuai dengan tema sambutan tahun ini "Assistive Technologies, Active Participation", inisiatif ini menunjukkan Golongan Orang Kelainan Upaya (OKU) termasuk warga SMARTER, akan sentiasa diberikan peluang memupuk kebebasan dalam kalangan mereka dan sokongan oleh pelbagai pihak dengan langkah-langkah pemerkasaan dan pembangunan kemahiran kehidupan.

"On World Autism Awareness Day, we speak out against discrimination, celebrate the diversity of our global community and strengthen our commitment to the full inclusion and participation of people with autism. Supporting them to achieve their full potential is a vital part of our efforts to uphold the core promise of the 2030 Agenda for Sustainable Development: to leave no one behind."

António Guterres, Secretary-General on the World Autism Awareness Day 2019

"Assistive Technologies, Active Participation"

Sumber: <https://www.un.org/en/events/autismday/samessage.shtml>

Dewan Digadong, Kementerian Kebudayaan, Belia dan Sukan, BANDAR SERI BEGAWAN, Khamis, 4 April - Menteri Kebudayaan, Belia dan Sukan, Yang Berhormat Mejar Jeneral (B) Dato Paduka Seri Haji Aminuddin Ihsan bin Pehin Orang Kaya Saiful Mulok Dato Seri Paduka Haji Abidin selaku Pengerusi Jawatankuasa Tertinggi telah mempengerusikan mesyuarat Jawatankuasa Tertinggi Sambutan Hari Keluarga Kebangsaan (HKK) Kali Ke-7.

Antara lain yang dibincangkan dalam mesyuarat adalah mengenai format acara-acara utama Sambutan HKK 2019 yang bakal dikendalikan secara sepadu oleh Kementerian Hal Ehwal Dalam Negeri; Kementerian Hal Ehwal Ugama; Kementerian Kesihatan; Kementerian Kebudayaan, Belia dan Sukan serta penglibatan aktif daripada agensi kerajaan yang lain, pihak swasta, dan persatuan bukan kerajaan (NGOs) serta akar umbi.

Hari Keluarga Kebangsaan (HKK) bagi Negara Brunei Darussalam diisytiharkan pada setiap hari Ahad pada minggu pertama bulan Mei dan pada tahun ini HKK jatuh pada 29 Sya'ban 1440 Hijrah bersamaan 5 Mei 2019 Masihi dengan tema "Keluargaku Harapanku".





Dewan Digadong, Kementerian Kebudayaan Belia dan Sukan, BANDAR SERI BEGAWAN, Rabu, 10 April - Bahagian pentadbiran dan Kewangan, KKBS menjemput penceramah dari Kementerian Kewangan dan Ekonomi untuk menyampaikan taklimat Peraturan Kewangan sebagai usaha pemberigaaan dan pendedahan dalam membudayakan amalan terbaik dalam hal ehwal tadbir urus kewangan kepada pegawai-pegawai KKBS serta jabatan-jabatan dibawahnya dalam.

TAKLIMAT PERATURAN KEWANGAN



Dewan Digadong, Kementerian Kebudayaan, Belia dan Sukan, BANDAR SERI BEGAWAN, Khamis, 11 April - 'Kemantapan Aqidah dan Syariah Satu Kenikmatan Dalam Sembahyang' menjadi tajuk pilihan dibentangkan di dalam Majlis Sambutan Isra' dan Mi'raj bagi Kementerian Kebudayaan, Belia dan Sukan (KKBS) serta jabatan-jabatan dibawahnya.

Forum disampaikan oleh dua panel jemputan iaitu Awang Haji Md. Syahiran bin Haji Md. Sofian dari Kolej Universiti Perguruan Ugama Seri Begawan dan Pendakwah Bebas, Dayangku Norizzati binti Pengiran Haji Kasharan. Majlis juga diserikan dengan bacaan ayat-ayat suci Al-Quran oleh Dayangku Siti Ummi Syazanna binti Pengiran Haji Marjuki, qariah Universiti Brunei Darussalam.



Dewan Tarbiyah, Kolej Universiti Perguruan Ugama Seri Begawan (KUPU SB), BANDAR SERI BEGAWAN, Rabu, 10 April - Fakulti Syariah dengan kerjasama Pusat Kajian Fiqh Al-Ushrah telah menganjurkan Forum Pendidikan Syariah Al-Mar'ah bertajuk 'Mengoptimalkan Peranan dan Produktiviti Wanita dalam Pembangunan Negara dan Bangsa' bersempena Sambutan Hari Kebangsaan Negara Brunei Darussalam Ke-35.

Tiga panel forum iaitu Timbalan Dekan Fakulti Syariah, KUPU SB, Pengiran Dr. Hajah Norwidayawati binti Pengiran Haji Metusin, Dekan Fakulti Pendidikan, KUPU SB, Prof. Madya Dr. Mohd. Zahiri bin Awang Mat, dan Pemangku Penolong Pengarah, Bahagian Keluarga, Wanita, Kanak-Kanak dan Kaunseling, Jabatan Pembangunan Masyarakat (JAPEM), Dayang Nurul Nazurah binti Jaya membahaskan tentang hukum-hukum yang berkaitan dengan wanita dari aspek hukum beribadah dan sumbangan terhadap negara dan bangsa yang dipengerusikan oleh Penolong Pensyarah Pusat Ilmu Teras, KUPU SB, Awang Nazirul Mubin bin Haji Ahad.



Balai Raya Kampung Batu Apoi, TEMBURONG, Jumaat, 12 April - Seramai 37 orang terdiri daripada 26 warga emas dan 11 anak yatim dari Kampung Batu Apoi menerima sumbangan bantuan berupa barang makanan asasi dan keperluan harian pada Majlis Projek Amal Buzzing Bees.



KEUSAHAWANAN BELIA Hujung Minggu (YOUTH ENTREPRENEURSHIP WEEKEND)

Buzzing Bees merupakan sebuah kumpulan *social enterprise* yang ditubuhkan pada bulan Disember 2015, terdiri daripada kumpulan bekas pelajar Maktab Sains Paduka Seri Begawan Sultan dan Maktab Duli Pengiran Muda Al-Muhtadee Billah. Kumpulan ini menyumbang dengan dana yang diperolehi dari hasil jualan kuih-muih dan kelas-kelas tuisyen bagi menjayakan projek amal ini.





Bank Islam Brunei Darussalam, Kiulap, Jumaat, 12 April - Bank Islam Brunei Darussalam (BIBD) menganjurkan Festival Pameran Rumah Bank Islam Brunei Darussalam (BIBD Home Showcase Festival) sebagai usaha berterusan dalam menggalakkan pemilikan rumah, terutamanya kepada generasi muda.

Selain menyediakan platform sehenti bagi memiliki rumah, acara ini juga menjadi ruang bagi usahawan tempatan dan Perusahaan Kecil dan Sederhana serta rakan ejen dan pereka dalaman untuk mempamerkan produk dan perkhidmatan mereka.

Sesuai dengan kemajuan digital yang berkembang pesat di seluruh dunia, BIBD menggalakkan urus niaga tanpa tunai di festival ini dengan kemudahan transaksi melalui teknologi yang diterajui dengan mudah alih BIBD QuickPay.



MAJLIS PERASMIAN ASRAMA PUSAT BELIA

13.04.2019



Dewan Serbaguna, Kompleks Sukan Negara Hassanal Bolkiah, BERAKAS, Ahad, 14 April - Pasukan Rocketeers muncul juara setelah menewaskan pasukan Majlis Sukan Angkatan Bersenjata Diraja Brunei (MS ABDB) pada Kejohanan Bola Jaring Piala Yang Di-Pertua (YDP) Kali ke-2 Tahun 2019 anjuran Persatuan Anak Bola Jaring Brunei Darussalam (BNA).

Berangkat menyertai kejohanan berkenaan dalam pasukan Rocketeers ialah Yang Teramat Mulia Paduka Seri Pengiran Anak Puteri Fadzilah Lubabul Bolkiah binti Kebawah Duli Yang Maha Mulia Paduka Seri Baginda Sultan Haji Hassanal Bolkiah Mu'izzaddin Waddaulah.

Turut menyertai kejohanan tersebut dalam pasukan Angel Net ialah cucunda Kebawah Duli Yang Maha Mulia Paduka Seri Baginda Sultan dan Yang Di-Pertuan Negara Brunei Darussalam, Yang Amat Mulia Pengiran Anak Raheemah Sanaul Bolkiah binti Pengiran Maharaja Setia Laila Diraja Sahibul Irshad Pengiran Anak Haji Abdul Rahim.



KEJOHANAN BOLA JARING PIALA YANG DI-PERTUA (YDP)

KALI KE-2 TAHUN 2019 AN PENERANGAN NEGARA BRUNEI DARUSSALAM

Anugerah Penyerang Terbaik - YTM PS Pengiran Anak Puteri Fadzilah Lubabul Bolkiah binti Kebawah Duli Yang Maha Mulia Paduka Seri Baginda Sultan Haji Hassanal Bolkiah Mu'izzaddin Waddaulah, **Anugerah Penjaring Terbaik** - 21987 Soldadu Nur Ady Elzza Erzrenna binti Sofian, dan **Anugerah Penghadang Terbaik** - 21392 Sarjan Nurazimah binti Abdul Latif.

Kejohanan Bola Jaring Bawah 21 Tahun dijuarai oleh pasukan Wildcats, di tempat kedua - Majlis Sukan Sekolah-Sekolah Brunei Darussalam (MSSBD) dan tempat ketiga Institut Pendidikan Teknikal Brunei (IBTE).

Anugerah Penjaring Terbaik Bawah 21 - YAM Pengiran Anak Raheemah Sanaul Bolkiah binti Pengiran Maharaja Setia Laila Diraja Sahibul Irshad Pengiran Anak Haji Abdul Rahim, **Anugerah Penyerang Terbaik Bawah 21** - Mazarina Anak Suja dan **Anugerah Penghadang Terbaik Bawah 21** - Raiefiza Radimas.

Majlis Selawat ke atas Rasulullah Sallallahu Alaihi Wasallam : Legasi Dakwah Perjuangan
Baginda sempena Sambutan Isra' dan Mi'raj Tahun 1440 Hijrah / 2019 Masihi diisikan



Pameran & Aktiviti Seni Kaligrafi Islam

TEMA:
**MELESTARI SEJARAH MELALUI
SENI KALIGRAFI ISLAM**

PUSAT SEJARAH BRUNEI,
KEMENTERIAN KEBUDAYAAN,
BELIA DAN SUKAN,
HIMPAN SENI BEGAWAN

14-16 SYABAN 1440
20-22 APRIL 2019

**PAMERAN KALIGRAFI NAMA
BETAN, SULTAN
BRUNEI**
AKAN DIADAKAN
SELAMA 3 HARI
MULAI
20 APRIL HINGGA
22 APRIL 2019

**20 APRIL 2019
(HADIR)**
BANDUKU
GEMPA,
PAMERAN &
AKTIVITI

**22 APRIL 2019
(ISKIN)**
PAMERAN &
AKTIVITI

**20 APRIL 2019
(SABTU)**
PERASMIAN &
PAMERAN

PAMERAN & AKTIVITI PADA HARI AHAD

- JUALAN SENI KALIGRAFI ISLAM
- GADIAN BERSEKUTAN
- HORME KERETA ANTIK
- PERMAINAN DOUNNER
- MEMANAH
- SERAI JUALAN
- FOOD TRUCK
- LEMNA
- DAIK LAIN-LAIN

DESIGNER: ELIZABETH

.....



Balai Pameran, Dewan Bahasa dan Pustaka, BANDAR SERI BEGAWAN, Rabu, 24 April - Karnival Memperkasa Budaya Membaca (KMBM) dapat memupuk budaya membaca dan menggalakkan pembelajaran sepanjang hayat secara tidak formal melalui pelbagai medium yang boleh dilaksanakan di Perpustakaan Dewan Bahasa dan Pustaka (DBP) di seluruh negara.

Pada majlis tersebut, Yang Berhormat Menteri Kebudayaan, Belia dan Sukan juga menyempurnakan Perasmian Taman Bacaan Perpustakaan di Balai Pameran, dan seterusnya menyempurnakan Penyampaian Hadiah Kerajinan Membaca kepada Ahli-ahli Perpustakaan DBP yang aktif. Pada masa yang sama, lintas langsung Majlis Perasmian KMBM dari beberapa Perpustakaan DBP di negara ini disiarkan, antaranya Perpustakaan DBP Tutong dihadiri oleh Setiausaha Tetap (Pengurusan Strategi dan Dasar) KKBS selaku tetamu kehormat dan Perpustakaan DBP Kampung Pandan yang dihadiri oleh Setiausaha Tetap (Pentadbiran, Kewangan dan Estet) KKBS selaku tetamu kehormat; manakala di Perpustakaan DBP Temburong dihadiri oleh Timbalan Setiausaha Tetap (Kebeliaan dan Kesukanan) KKBS selaku tetamu kehormat.

Karnival seumpama itu diadakan untuk memupuk minat dan budaya membaca tanpa mengira usia, menerapkan aktiviti membaca, meningkatkan penggunaan perpustakaan dari segi perkhidmatan dan kemudahan. Selain itu, karnival juga adalah untuk mendekatkan orang ramai dengan perpustakaan dan menjadikannya sebagai pusat untuk melakukan pelbagai kegiatan bermanfaat dengan penglibatan daripada sekolah-sekolah rendah dan menengah kerajaan juga swasta yang hadir pada majlis tersebut.



Dewan Digadong, BANDAR SERI BEGAWAN, Khamis, 25 April.

"InsyaAllah, dengan pegangan yang kukuh dan penghayatan ilmu Al-Quran dan Hadith Rasulullah Sallahu Alaihi Wasalam, belia kita tidak akan mudah terbawa dengan unsur-unsur yang kurang baik. Oleh yang demikian, program-program pembangunan belia hendaklah sentiasa menitik beratkan keseimbangan antara amalan duniawi dan ukhrawi dalam membentuk belia yang syumul yang bukan sahaja berilmu dan berkemahiran, malah mempunyai kekuatan iman serta pendirian yang teguh. Sebagai bakal pewaris kepimpinan masa depan, ciri-ciri inilah yang mesti ada dan ditanai oleh belia kita agar mereka mempunyai jati diri yang teguh dengan kepimpinan yang bijaksana dan sentiasa berwawasan, berlandaskan Falsafah Melayu Islam Beraja."

Menteri Kebudayaan Belia dan Sukan semasa Musabaqah Tilawatil Quran Belia Kebangsaan 1440 Hijrah / 2019 Masihi Peringkat Akhir

QARI -

- Johan - Awang Abdul Muin bin Haji Abdul Hamid
- Kedua - Awang Muhammad Sa'dun bin Suhaili
- Ketiga - Awang Abdul Qawiyeel Azeez bin Haji Abd.Rajid

QARIAH -

- Johan - Dayangku Siti Ummi Syazana binti Pengiran Marjuki
- Kedua - Dayangku Fauziah Nadhirah binti Pengiran Haji Jofri
- Ketiga - Dayangku Alma Hazirah binti Pengiran Haji Jofri



Pertandingan tahun ini disertai oleh 105 peserta belia qari dan qariah dari seluruh negara.



“What is most important is to ensure that the impact of SSEAYP both to its participants and to the wider community is sustained and long-lasting. This is where gatherings like SIGA play a crucial role, especially in discussing important topics relevant to our youth and community at large as well as providing opportunities for alumni to conduct beneficial activities together as one big family. As one of the main agenda of this year’s SIGA, the Forum titled **“Bridging the Gap”** is particularly significant for us as the topic of encouraging entrepreneurship to empower individuals, including our youths, and ensuring inclusivity is one of our national priorities. “

**Minister of Culture, Youth and Sport, on the occasion of
31st SSYEAP INTERNATIONAL GENERAL ASSEMBLY (SIGA) BRUNEI DARUSSALAM 2019**

Songket Ballroom, Rizqun International Hotel, GADONG, Jumaat, 26 April - Negara Brunei Darussalam menjadi tuan rumah bagi Perhimpunan Agung Antarabangsa Program Rancangan Kapal Belia Asia Tenggara dan Jepun (SSEAYP International General Assembly - SIGA) Ke-31.

SIGA adalah mesyuarat tahunan SSEAYP bagi pihak-pihak berkepentingan terdiri daripada wakil-wakil kerajaan, alumni, keluarga-keluarga angkat, kakitangan pengurusan dan 'associates' dari pelbagai program. Pada tahun ini, seramai 105 peserta dari semua negara ASEAN dan Jepun menghadiri mesyuarat itu.

Negara Brunei Darussalam telah menjadi tuan rumah buat kali kedua bagi perhimpunan yang dijalankan selama tiga hari itu.



**“REUNITE REIGNITE”
31st SSYEAP INTERNATIONAL GENERAL ASSEMBLY
(SIGA) BRUNEI DARUSSALAM 2019**



**PAMERAN SENI LUKIS
SEBATI DALAM JALINAN WARNA 2019**

Muzium Teknologi Melayu, KOTA BATU, Sabtu, 27 April - Jabatan Muzium-Muzium dengan usaha bersama Muzium Artis (MuzArt) menganjurkan Pameran Seni Lukis Sehati dalam Jalinan Warna 2019 yang mempamerkan 85 buah karya seni daripada 38 pelukis Jabatan Muzium-Muzium yang terdiri daripada berlainan profesion dan bahagian.

Pameran sementara di Muzium Teknologi Melayu berkenaan adalah inisiatif pihak jabatan dalam menambah nilai pameran di muzium, selain daripada meningkatkan jumlah pelawat ke muzium-muzium di negara ini selaras dengan strategi KKBS melalui Jabatan Muzium-Muzium, iaitu menyediakan 'platform' dengan memberikan ruang-ruang yang tersedia dalam aset-aset bangunan jabatan yang bersesuaian untuk penggiat-penggiat seni menengahkan dan mempamerkan bakat-bakat mereka.



Dari bulan Januari hingga Mac tahun ini, Muzium Teknologi Melayu menerima kunjungan pelawat sejumlah 18,021.

Masjid Omar 'Ali Saifuddin, BANDAR SERI BEGAWAN, Ahad, 28 April - Program Wira Fajar adalah merupakan program keagamaan hasil kerjasama di antara Kementerian Kebudayaan, Belia dan Sukan (KKBS) dan Jabatan Hal Ehwal Masjid sebagai wadah tarbiyyah dan penerapan sahsiah mukmin dalam kalangan belia sesuai dengan identiti Negara Brunei Darussalam, Negara Zikir.

Seramai 350 orang belia-belia yang terdiri daripada pegawai-pegawai kerajaan; Persatuan-persatuan Belia; belia-belia masjid; belia da'ie; belia mualaf; Pelatih Pusat Pembangunan Belia; Kelab Komuniti Belia Transformasi Pusat Belia; Alumni Program Belia Cinta Tanah Air; Alumni JENESYS; belia-belia perseorangan serta orang ramai, hadir menjayakan Program Wira Fajar yang memuatkan aktiviti solat fardu Subuh berjemaah, tazkirah, bacaan surah Al-Kahfi dan Al-Waqiah; dan solat sunat Dhuha.



WIRA FAJAR SUBUH

“Istiqamah Dalam Mengerjakan Sembahyang”



Galeri Seni, Dermaga Diraja, BANDAR SERI BEGAWAN, Isnin, 29 April - Sebanyak 52 keping gambar hasil seni 21 Ahli Pertubuhan Fotografi Negara Brunei Darussalam (PFNBD) dipertontonkan di Pameran Fotografi bertajuk 'Indahnya Islam' 26 April yang berlangsung sehingga 20 Mei 2019. Pameran dianjurkan Pertubuhan Fotografi Negara Brunei Darussalam dengan kerjasama Jabatan Muzium-Muzium, Kementerian Kebudayaan, Belia dan Sukan sempena pengisytiharan Bandar Seri Begawan sebagai Ibu Negara Ketamadunan Islam bagi Rantau Asia Tahun 2019 dan juga sempena 50 Tahun (Jubli Emas) penubuhan PFNBD.

Gambar-gambar yang memperlihatkan Negara Brunei Darussalam sebagai sebuah negara Melayu Islam Beraja dan Negara Zikir diketengahkan untuk tujuan promosi dan pendedahan kepada para pelancong yang tiba di negara ini.



BANDAR SERI BEGAWAN, Rabu, 10 April. - Pada menjunjung titah perintah Kebawah Duli Yang Maha Mulia Paduka Seri Baginda Sultan Haji Hassanal Bolkiah Mu'izzaddin Waddaulah ibni Al-Marhum Sultan Haji Omar 'Ali Saifuddien Sa'adul Khairi Waddien, Sultan dan Yang Di-Pertuan Negara Brunei Darussalam, dengan ini dimaklumkan bahawa Kebawah Duli Yang Maha Mulia Paduka Seri Baginda Sultan dan Yang Di-Pertuan Negara Brunei Darussalam telah mengurniakan titah perkenan bagi pelantikan Pegawai-pegawai Kanan seperti berikut :

Timbalan Setiausaha Tetap
(Pengangkutan, Penyelidikan dan Perkembangan), Kementerian Pengangkutan dan Infokomunikasi,
Pengiran Mohammad Amirrizal bin Pengiran Haji Mahmud
dilantik menjadi
Setiausaha Tetap (Pentadbiran, Kewangan dan Estet), Kementerian Kebudayaan, Belia dan Sukan.

Pengarah Pusat Pengurusan Bencana Kebangsaan, Kementerian Hal Ehwal Dalam Negeri,
 Kolonel (B) Pengiran Haji Maiddin bin Pengiran Haji Said,
 dilantik menjadi
 Timbalan Setiausaha Tetap (Kebeliaan dan Kesukanan), Kementerian Kebudayaan, Belia dan Sukan.

Pemangku Ketua Pegawai Eksekutif Tingkat Khas, Hospital Raja Isteri Pengiran Anak Saleha, Kementerian Kesihatan, Dayang Saidah binti Haji Wahid / Burut
dilantik menjadi
Timbalan Setiausaha Tetap (Kemasyarakatan), Kementerian Kebudayaan, Belia dan Sukan.